



Komisija za izbor, imenovanja i administrativna pitanja

Broj: 01-02-2167/25
Lukavac, 21.07.2025.godine

PRIJEDLOG

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH”, broj 49/06 i 51/09.), a u vezi s članom 10. stav 3. Zakona o porezu na promet nepokretnosti i prava („Službene novine Tuzlanskog kantona”, broj: 5/21, 7/21, 5/23 i 5/25), Poslovnika o radu Općinskog vijeća Lukavac („Sl. glasnik općine Lukavac”, broj: 5/06, 2/09 i 5/09), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. glasnik Grada Lukavac”, broj: 1/22), Gradsko vijeće Lukavac na 8. redovnoj sjednici održanoj dana 28.07.2025.godine donijelo je

ODLUKU

o uslovima i načinu plaćanja naknade troškova u postupku utvrđivanja prometne vrijednosti nepokretnosti i prava na području Grada Lukavac

Član 1. (Predmet Odluke)

Ovom Odlukom se utvrđuju uslovi i način plaćanja naknade troškova u postupku utvrđivanja prometne vrijednosti nepokretnosti i prava na području Grada Lukavac.

Član 2. (Imenovanje komisije)

- (1) Prometnu vrijednost nepokretnosti i prava na području Grada Lukavac utvrđuje posebna komisija koju imenuje Gradsko vijeće Lukavac na period od dvije godine.
- (2) Komisija za utvrđivanje prometne vrijednosti nepokretnosti i prava (u daljem tekstu: Komisija) ima predsjednika, devet članova i sekretara.
- (3) U Komisiju, pored uposlenika gradske službe za geodetske poslove, imenuje se najmanje 2/3 osoba koje imaju visoku stručnu spremu VII stepen, odnosno visoko obrazovanje Bolonjskog sistema studiranja sa najmanje 180 ECTS bodova, iz oblasti građevine, arhitekture, poljoprivredne, pravne, ekonomske, elektrotehničke i mašinske struke i najmanje tri godine radnog staža u struci nakon sticanja visoke stručne spreme.
- (4) Rad Komisije obavlja se radnim danima, a po potrebi i poslije radnog vremena.
- (5) Komisija zasijeda radnim danima, a po potrebi poslije radnog vremena ili vikendom, odnosno u skladu sa Pravilnikom iz stava (6) ovog člana.
- (6) Način rada, broj članova Komisije i kriteriji na temelju kojih se vrši utvrđivanje vrijednosti nekretnine - procjena vrijednosti nekretnine se uređuje posebnim Pravilnikom koji donosi Gradonačelnik.

Član 3. (Naknada za troškove komisije)

U postupku utvrđivanja prometne vrijednosti nepokretnosti i prava plaća se naknada na ime troškova rada Komisije, u zavisnosti od predmeta utvrđivanja prometne vrijednosti, i to:

1. Za neizgrađeno zemljište..... 50,00 KM
2. Za individualne stambene objekte..... 100,00 KM
3. Za stanove s pripadajućim zemljištem..... 100,00 KM
4. Za stanove u kolektivnom stambenom objektu..... 50,00 KM

5. Za poslovne prostore u kolektivnim objektima, SPO ili u tržnim centrima..... 70,00 KM
6. Za poslovne prostore s pripadajućim zemljištem.....100,00 KM
7. Za ostave, garaže, parking mjesta i zemljište do 100 m2.....30,00 KM
8. Za nekretnine čija cijena iz ugovora prelazi vrijednost od 200.000,00200,00 KM
9. Za više nekretnina koje su predmet procjene u okviru jednog zahtjeva,
naknada predstavljati zbir pojedinačnih predmeta utvrđivanja prometne vrijednosti, ali ne više od
.....200,00 KM,
10. Izuzetno za nekretnine koje su predmet ugovora o poklonu ili rješenja o nasljeđivanju i sl., gdje
nije utvrđena vrijednost nekretnine koja je predmet procjene, visina naknade će se utvrditi nakon
izvršene procjene prometne vrijednosti nekretnine, o čemu će podnosilac zahtjeva biti
obaviješten i pozvan da uplati naknadu u roku od 3 dana od dana prijema obavijesti.

Član 4

(Oslobađenje od naknade za troškove komisije)

- (1) Naknadu troškova rada Komisije snosi fizičko, odnosno pravno lice po čijem zahtjevu Komisija utvrđuje prometnu vrijednost.
- (2) Plaćanju naknade troškova ne podliježu fizička i pravna lica koja u smislu člana 6. Zakona o porezu na promet nepokretnosti i prava – prečišćeni tekst ("Službene novine Tuzlanskog kantona" broj: 5/21, 7/21, 5/23 i 5/25) nisu obveznici plaćanja poreza na promet nepokretnosti i prava.
- (3) Troškovi se uplaćuju prilikom podnošenja zahtjeva za utvrđivanje prometne vrijednosti na depozitni račun Grada Lukavac.

Član 5

(Naknada za rad članovima komisije)

- (1) Za radu u komisiji, predsjednik, članovi i sekretar Komisije imaju pravo na naknadu.
- (2) Predsjedniku i članovima Komisije za rad pripada mjesečna naknada u iznosu:
 - za predsjednika..... 400,00 KM
 - za člana.....300,00 KM
 - za sekretara.....300,00 KM
- (3) Naknada se obračunava u tekućem mjesecu za prethodni mjesec, na osnovu mjesečnog izvještaja o radu Komisije koji potpisuju predsjednik Komisije koji je odgovoran za tačnost sadržaja istog.
- (4) Predsjednik se obavezuje da predmete dodjeljuje u rad članovima komisije odnosno podkomisijama vodeći računa o ravnomjernoj zastupljenosti podkomisija odnosno članova komisije u radu po dodijeljenim predmetima i odgovoran je za naprijed navedeno.
- (5) Pravo na puni iznos naknade mogu ostvariti članovi komisije koji učestvuju u radu na sjednicama komisije i u radu po dodijeljenim predmetima u mjesecu za koji se utvrđuje naknada o čemu vodi računa predsjednik pri sastavljanju mjesečnog izvještaja o radu komisije.
- (6) Članovima komisije koji su u toku mjeseca učestvovali u radu na sjednicama komisije i/ili u radu po dodijeljenim predmetima, procenat učešća računa se zasebno za sjednice i za predmete, i to na sljedeći način:
 - Procenat učešća na sjednicama izračunava se kao broj sjednica na kojima je član prisustvovao, u odnosu na ukupan broj održanih sjednica u mjesecu, izražen u procentima.
 - Procenat učešća u radu po predmetima izračunava se kao broj predmeta na kojima je član aktivno radio i dostavio relevantan izvještaj (prijedlog zapisnika o izvršenoj procjeni), u odnosu na ukupan broj predmeta dodijeljenih članu u mjesecu, izražen u procentima.
 - Ukupni procenat učešća računa se kao prosjek oba procenta, pri čemu je učešće na sjednicama vrednovano sa 40%, a učešće u radu po predmetima sa 60%.
- (7) Ukoliko je ukupni procenat učešća člana komisije manji ili jednak 50%, naknada za taj mjesec se umanjuje proporcionalno odnosno u procentu u kojem je umanjeno učešće u ukupnom radu komisije.

- (8) Ukoliko je u mjesecu za koji se isplaćuje naknada Komisiji naplaćeni iznos troškova za rad Komisije manji od bruto iznosa ukupne mjesečne naknade za predsjednika, članove komisije i sekretara naknada iz stava se umanjuje u jednakom procentu.

Član 6.

(Evidencija učešća u radu komisije)

- (1) Predsjednik komisije vodi elektronsku evidenciju učešća u radu komisije prema elementima iz člana 6. Odluke.
- (2) Učešće u radu komisije kao i umanjenje naknade utvrđuje se procentualno na način utvrđen u tabeli učešća u radu komisije koja je sastavni dio ove Odluke (Prilog 1).
- (3) Tabela iz stava (2) ovog člana je sastavni dio izvještaja o radu Komisije koji potpisuju predsjednik Komisije.

Član 7.

(Izvještaj)

U svrhu izrade odluke o isplati mjesečne naknade, izvještaj iz stava (3) prethodnog člana, dostavlja se Stručnoj službi Gradskog vijeća kao i Gradskom vijeću kao potrošačkoj jedinici u okviru koje su, u budžetu Grada Lukavac, planirana sredstva za rad komisije. Izvještaj je sastavni dio Odluke (prilog 2).

Član 8.

(Godišnji izvještaj)

Komisija će Izvještaj o svom radu podnositi jednom godišnje Gradskom vijeću Grada Lukavac.

Član 9.

(Stupanje na snagu Odluke)

Odluka stupa na snagu danom objavljivanja u „Službenom glasniku Grada Lukavac“.

PREDSJEDAVAJUĆI GRADSKOG VIJEĆA
Suad Salibašić, dipl.e.c.c.

TABELA UČEŠĆA U RADU KOMISIJE

1	2	3	4	5	6	7	8	9	10
Redni broj	Prezime i ime	Broj održanih sjednica	Broj prisustva sjednicama	% prisustva sjednicama (4/3*100)	Broj dodijeljenih predmeta	Broj obrađenih predmeta	% rada na predmetima (7/6*100)	Ukupni procenat učešća u radu - 40% sjednice+60% predmeti (0,4*5+0,6*8)	Umanjenje naknade (100%-9)
				0,00%			0,00%	0,00%	100,00%
				0,00%			0,00%	0,00%	100,00%
				0,00%			0,00%	0,00%	100,00%
				0,00%			0,00%	0,00%	100,00%
				0,00%			0,00%	0,00%	100,00%
				0,00%			0,00%	0,00%	100,00%
				0,00%			0,00%	0,00%	100,00%
				0,00%			0,00%	0,00%	100,00%
				0,00%			0,00%	0,00%	100,00%
				0,00%			0,00%	0,00%	100,00%

$$\text{Procenat prisustva sjednicama} = \frac{\text{Broj prisutnih sjednica}}{\text{Broj održanih sjednica}} * 100$$

$$\text{Procenat obrađenih predmeta} = \frac{\text{Broj obrađenih predmeta}}{\text{Broj dodijeljenih predmeta}} * 100$$

Ukupni procenat učešća u radu = (0,4 * Procenat prisustva sjednicama) + (0,6* Procenat obrađenih predmeta)

Umanjenje naknade = 100% - Ukupni procenat učešća u radu

**MJESEČNI IZVJEŠTAJ O RADU KOMISIJE KOMISIJA ZA UTVRĐIVANJE
PROMETNE VRIJEDNOSTI NEPOKRETNOSTI I PRAVA (prilog 2)**

za mjesec: _____ 20__ . godine

1. OSNOVNI PODACI

- Broj održanih sjednica: _____
- Ukupan broj predmeta dodijeljenih Komisiji: _____

2. PREGLED UČEŠĆA ČLANOVA KOMISIJE

Ime i prezime	Prisustvo sjednicama (n/N)	% prisustva	Predmeti (r/d)	% učešća	Ukupni % (40/60)	Naknada (KM)

Legenda:

- n = broj prisustvovanih sjednica
- N = ukupan broj održanih sjednica
- r = broj riješenih predmeta
- d = broj dodijeljenih predmeta

3. UKUPNA FINANSIJSKA OBRAČUN NAKNADA

- Ukupno naplaćeno: _____ KM
- Ukupna bruto naknada: _____ KM
- Koeficijent umanjenja u skladu sa člano 6. stav (8) Odluke (ako je potreban): _____

Koeficijent umanjenja = ukupno naplaćeno/ukupna bruto naknada

Ime i prezime	Bruto naknada	Koeficijent	Konačna naknada

Prilog: Evidencija učešća u radu komisije

4. IZJAVE I POTPISI

Predsjednik Komisije potvrđuje tačnost podataka:

Ime i prezime: _____

Potpis: _____

Datum: _____ 20__ .

OBRAZLOŽENJE

Pravni osnov za donošenje Odluke je Zakon o porezu na promet nepokretnosti i prava ("Službene novine Tuzlanskog kantona" broj: 5/21, 7/21, 5/23 i 5/25).

Članom 10. Zakona o porezu na promet nepokretnosti i prava propisano je slijedeće:

Prometnu vrijednost nepokretnosti i prava utvrđuje komisija **koju imenuje gradsko ili općinsko vijeće na period od dvije godine.**

Komisija iz stavka 3. ovog člana sačinjava zapisnik o procjeni vrijednosti nepokretnosti i prava i isti dostavlja nadležnoj poreznoj ispostavi najkasnije u roku od 15 dana od dana dostavljanja zahtjeva za utvrđivanje prometne vrijednosti.

U Komisiju iz stavka 3. ovog člana, pored uposlenika gradske/općinske službe za geodetske poslove, imenuje se najmanje 2/3 osoba koje imaju visoku stručnu spremu - VII. stupanj, odnosno visoko obrazovanje Bolonjskog sistema studiranja sa najmanje 180 ECTS bodova, iz oblasti građevinske, arhitekture, poljoprivredne, pravne, ekonomske, elektrotehničke i mašinske struke i najmanje tri godine radnog staža u struci nakon završene visoke stručne spreme.

Gradonačelnik/načelnik grada, odnosno općine će u roku od 30 dana od dana stupanja na snagu ovog zakona donijeti Pravilnik kojim se propisuje način rada, broj članova Komisije i kriteriji na temelju kojih se vrši utvrđivanje vrijednosti nekretnine - procjena vrijednosti nekretnine.

Predsjedniku i članovima Komisije pripada naknada za rad u Komisiji u visini koju utvrđuje gradsko/općinsko vijeće.

Komisije iz stava 3. ovog članka imenovane prije stupanja na snagu ovog zakona nastavljaju sa radom do imenovanja komisije shodno odredbama ovog člana, a najduže 90 dana od dana stupanja na snagu ovog zakona.

Razlog za donošenje Odluke je izmjena Zakona o porezu na promet nepokretnosti i prava i u tom kontekstu potreba donošenja propisa od strane Gradskog vijeća kojim se uređuje pitanje naknade za rad Komisije i naknade za postupanje po zahtjevu stranaka.

Prilikom predlaganja visine naknade na ime troškova rada Komisije, vodilo se računa o vrsti i količini posla i potrebi da se **određene struke** čija je zastupljenost u komisiji obavezna zainteresesju za članstvo u komisiji s obzirom na značaj prihoda čije ubiranje zavisi od profesionalnog i stručnog stručnog rada komisije. Prilikom utvrđivanja visine naknade se imala u vidu visina naknade za rad komisije u drugim gradovima /općinama TK.

Komisija se formira u cilju odlučivanja, razmatranja i davanja stručnih mišljenja po pitanju prometa nepokretnosti i prava sa jasno definisanim zadatkom i rokovima, a naknada za članove komisije predstavljaju nadoknadu za konkretan rad, a ne fiksni dodatak bez obzira na učinak.

Umanjenje naknade članu Komisije za promet nepokretnosti i prava u određenim slučajevima predlaže se se radi uvođenja principa pravičnosti, odgovornosti i stimulisanja efikasnog rada članova komisije kao i efikasnijeg i pravičnijeg korišćenja budžetskih sredstava. Ovakav model istovremeno štiti javni interes i podstiče ličnu odgovornost članova komisije.

Pitanje naknade za rad Komisije ranije je bilo uređeno Odlukom o naknadi za procjenu vrijednosti nepokretnosti („Službeni glasnik Grada Lukavac“, broj: 5/03 i 3/20) koju je donio Općinski načelnik i koja je prestala da važi donošenjem Pravilnika u skladu sa članom 10. stav (4).

Imajući u vidu naprijed navedeno utvrđen je prijedlog Odluke koji se dostavlja Gradskom vijeću na razmatranje i donošenje.

Obrađivač
Stručna služba Gradskog vijeća

Predlagač
Komisija za izbor, imenovanje
i administrativna pitanja

Predsjednik Komisije
Muris Osmić, BA ing.maš.



Broj: 01-02-2169/25
Lukavac, 21.07.2025.godine

PRIJEDLOG

Na osnovu člana 2.12 stav 5. Izbornog zakona Bosne i Hercegovine („BiH (“Službeni glasnik BiH” broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 37/10, 18/13, 7/14, 31/16 i 41/20, 38/22, 51/22, 67/22, 24/24 i 24/24 – ispravka) i člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH”, broj: 31/24 i 85/24), i člana 32. Statuta Grada Lukavac (“Službeni glasnik Grada Lukavac”, broj: 5/08 i 1/14), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. glasnik Grada Lukavac”, broj 1/22), Gradsko vijeće Lukavac na 8. redovnoj sjednici održanoj dana 28.07.2025.godine, donijelo je

O D L U K U **o objavljivanju Javnog oglasa za imenovanje člana** **Gradske izborne komisije Lukavac**

Član 1.

Gradsko vijeće Lukavac utvrđuje potrebu objavljivanja Javnog oglasa za imenovanje 1 (jednog) člana Gradske izborne komisije Lukavac (u daljem tekstu: Izborna komisija).

Mandat člana Izborne komisije traje 7(sedam) godina i teče od dana pravosnažnosti akta o davanju saglasnosti Centralne izborne komisije BiH na Odluku o imenovanju člana Izborne komisije donesenu od strane nadležnog organa.

Član 2.

Javni oglas iz člana 1. ove Odluke će se objaviti u jednom dnevnom listu koji izlazi na području Bosne i Hercegovine, web stranici i oglasnoj ploči Grada Lukavac i isti će biti otvoren 8 dana od dana objavljivanja u dnevnom listu.

Pored općih uslova propisanih članom 2.2 Izbornog zakona Bosne i Hercegovine (u daljem tekstu Izborni zakon), tekst Javnog oglasa obavezno sadrži i posebne uslove propisane članom. 2.2, 2.3 i 2.14 Izbornog zakona BiH i čl. 2, 3. i 4., Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini (u daljem tekstu: Uputstvo).

Član 3.

Postupak po raspisanom Javnom oglasu provest će Komisija imenovana od strane Gradskog vijeća, u čijem sastavu obavezno mora biti najmanje jedan član pravne struke i/ili osoba sa izbornim iskustvom.

Zadatak Komisije iz predhodnog stava je da:

- pregleda pristigle prijave na Javni oglas i utvrdi njihovu formalnu ispravnost,

- obavijestiti preporučenom poštom sve prijavljene kandidate o rezultatima izvršene klasifikacije njihove prijave uz naznaku da kandidati čija je prijava odbačena ili odbijena mogu podnijeti prigovor Gradskom vijeću,
- da kandidate koji ispunjavaju uslove oglasa obavijesti o datumu i terminu stručnog testiranja,
- da provede stručno testiranje i bodovanje kandidata na način propisan članom 10. Uputstva,
- izvrši bodovanje kandidata po ostalim kriterijima i sačiniti rang listu na način propisan članom 11. Uputstva,
- da Gradskom vijeću podnese pisani izvještaj o provedenom postupku kvalifikacije kandidata i prijedlog rang-liste prema uspjehu odnosno ukupnom broju bodova (Ukupan broj bodova kandidata predstavlja zbir osvojenog broja bodova po osnovu stručne spreme, dodatnog bodovanja, izbornog iskustva i uspjeha postignutog na stručnom testiranju (pismenom dijelu i intervjuu)
- obavijesti kandidate o dodijeljenim bodovima prema svim kategorijama i predloženoj rang-listi uz naznaku mogućnosti ulaganja prigovora Gradskom vijeću na izvršeni postupak bodovanja.

Član 4.

Komisija iz člana 3. ove Odluke za svoj rad ima pravo na naknadu u skladu sa Odlukom Gradskog vijeća o visini vijećničkog paušala i drugih naknada.

Član 5.

Sastavni dio ove Odluke je tekst Javnog oglasa za imenovanje člana Gradske izborne komisije Lukavac koji će se objaviti po pravosnažnosti odluke Centrane izborne komisije Bosne i Hercegovine o davanju saglasnosti na razrješenje člana Gradske izborne komisije.

Član 6.

Odluka stupa na snagu narednog dana od dana objavljivanja u "Službenom glasniku Grada Lukavac".

PREDSJEDAVAJUĆI GRADSKOG VIJEĆA

Suad Salibašić, dipl.ecc

OBRAZLOŽENJE

Pravni osnov za donošenje predložene Odluke je:

- član 2.12 stav 5. Izbornog zakona Bosne i Hercegovine („BiH (“Službeni glasnik BiH” broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 37/10, 18/13, 7/14, 31/16 i 41/20, 38/22, 51/22, 67/22, 24/24 i 24/24 – ispravka), kojim je propisano da članove Gradske izborne komisije imenuje Općinsko / Gradsko vijeće, uz saglasnost Centralne izborne komisije BiH, na osnovu javnog oglasa po proceduri koju utvrđuje Centralna izborna komisija BiH i
- Član 7. Uputstva kojim je između ostalog propisano da nadležni organ u postupku imenovanja člana izborne komisije donosi odluku o objavljivanju javnog oglasa za imenovanje člana izborne komisije kao i sadržaj odluke.

Razlog za donošenje odluke je blagovremeno pokretanja postupka za imenovanje jednog člana Gradske izborne komisije nakon što je član komisije Emir Kasumović podnio ostavku na dužnost člana izborne Komisije .

Naime, članom 16. Uputstva između ostalog je propisano „Ako član izborne komisije podnese ostavku, umre, bude sprječen obavljati funkciju ili bude smjenjen sa funkcije člana izborne komisije, novi član se imenuje, u skladu sa članom 2.12 stav (5) Izbornog zakona BiH na osnovu javnog konkursa te da se imenovanje novog člana izborne komisije vrši se u roku koji ne može biti duži od 30 dana od dana prestanka mandata prethodnog člana.

Član 12. Uputstva propisan je početak trajanja i prestanka mandata članu izborne komisije tako je utvrđeno da mandat prestaje sa danom pravosnažnosti akta o davanju saglasnosti Centralne izborne komisije BiH na odluku o razrješenju člana izborne komisije donesenu od strane nadležnog organa.

U nastojanju da se ispoštuju odredba člana 12. Uputstva koja reguliše prestanak mandata članu Komisije i odredba člana 16. Uputstva koja propisuje rok za imenovanje novog člana Komisije pripremljen je prijedlog Odluke sa zadržkom objave javnog oglasa do momenta pravosnažnosti odluke Centralne izborne komisije Bosne i Hercegovine o davanju saglasnosti na razrješenje člana Gradske izborne komisije.

Imajući u vidu naprijed navedeno pripremljen je prijedlog odluke i upućen vijeću na razmatranje i donošenje.

Obrađivač:
Stručna služba Gradskog vijeća

PREDSJEDNIK KOMISIJE

Muris Osmić, BA ing.maš.

D o s t a v i t i:

- Gradsko vijeće Lukavac
- Evidencija
- Arhiva



Broj: 01-02-2169/25-1
Lukavac: 21.07.2025.godine

Na osnovu člana 2.12 tačka 5. Izbornog zakona Bosne i Hercegovine („Službeni glasnik Bosne i Hercegovine“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13, 77/14, 31/16, 41/20, 38/22, 51/22, 67/22, 24/24 i 24/24 – ispravka), člana 7.stav 1.(a) Uputstva o utvrđivanju kvalifikacija, broja i imenovanju članova, Izborne komisije osnovne izborne jedinice u BiH („Službeni glasnik BiH“, broj: 31/24 i 85/24), Odluke o objavljivanju Javnog oglasa za imenovanje člana Gradske izborne komisije Grada Lukavac broj: 01-02-2169/25 od 28.07.2025.godine, Gradsko vijeće Lukavac raspisuje

JAVNI OGLAS za imenovanje člana Gradske izborne komisije Lukavac

I

Raspisuje se Javni oglas za imenovanje jednog člana Gradske izborne komisije Lukavac. Članove Gradske izborne komisije, imenuje Gradsko vijeće, uz saglasnost Centralne izborne komisije BiH, na period od sedam godina.

II

Kandidat za člana Gradske izborne komisije treba da ispunjavaju sljedeće opšte uslove:

- da je osoba sa pravom glasa.
- da posjeduje odgovarajuću stručnost i iskustvo u provođenju izbora.

III

Pored opštih uslova kandidat za člana Gradske izborne komisije treba ispunjavati i slijedeće posebne uslove:

1. da ima prebivalište na području Grada Lukavac,
2. da ima završen fakultet, odnosno VII/1 stepen stručne spreme ili završen fakultet Bolonjskog sistema studiranja sa najmanje 180 ETCS.
3. da posjeduje iskustvo u provođenju izbora.

Pod iskustvom u provođenju izbora podrazumijeva se:

- a) članstvo u izbornoj komisiji,
- b) članstvo u biračkom odboru na izborima za organe vlasti u BiH,
- c) obavljanje dužnosti sekretara izborne komisije,
- d) obavljanje poslova službenika centra za birački spisak,
- e) obavljanje poslova kontrolora izbornih rezultata
- f) obavljanje rukovodnih dužnosti u Glavnom centru za brojanje (direktor i zamjenik direktora),
- g) obavljanje poslova državnog službenika ili zaposlenika u Sekretarijatu Centralne izborne komisije BiH na poslovima koji su vezani za provedbu izbornog procesa u trajanju dužem od jedne godine.

IV

Sastav Gradske izborne komisije Lukavac mora biti multietičan i održavati zastupljenost konstitutivnih naroda u Gradu, uključujući i ostale, a prema posljednjem popisu stanovništva provedenom na državnom nivou. Sastav Gradske izborne komisije će u pravilu, odražavati ravnopravnu zastupljenost spolova, u skladu sa Zakonom o ravnopravnosti spolova u Bosni i Hercegovini.

V

Član Gradske izborne komisije može biti predsjednik ili sudija redovnog suda, pravobranilac, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2. Izbornog zakona BiH, a nemaju smetnji iz člana 2.3. Izbornog zakona BiH.

VI

Za člana Gradske izborne komisije u skladu sa članom članom 2.3. i članom 2.12. stav (7) Izbornog zakona BiH i člana 4. stav 2. i 4. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini ne može biti imenovana osoba:

- a) koje se ne može kandidovati u smislu odredbi članova 1.6, 1.7 i 1.7.a) Izbornog zakona BiH,
- b) koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora),
- c) koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH,
- d) koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.
- e) kojem je izrečena kazna za radnju koja predstavlja težu povredu izbornih zakona ili propisa za koju je lično odgovoran, u posljednje četiri godine, računajući od dana pravosnažnosti odluke,
- f) koje je zastupnik odnosno punomoćnik političkog subjekta koji učestvuje na izborima,
- g) koje je pravosnažnom sudskom presudom osuđeno na kaznu zatvora u trajanju od šest mjeseci ili duže,
- h) koje obavlja izvršnu funkciju kako je utvrđeno odredbom člana 1.1a Izbornog zakona BiH,
- i) koje je osuđeno od strane bilo kojeg domaćeg ili međunar

VII

Uz prijavu na Javni oglas, potrebno je dostaviti sljedeću dokumentaciju:

1. Prijavni obrazac sa kontakt podacima podnosioca prijave, listu dostavljenih dokumenata i svojeručni potpis podnosioca prijave, te dokumente koji dokazuju ispunjavanje uslova iz javnog oglasa;
2. Dokaz o stručnoj spremi kandidata - imenovanog člana izborne komisije, odnosno ovjerenu kopiju diplome o stečenoj stručnoj spremi nostrifikovanu-priznatu diplomu ukoliko fakultet nije završen u Bosni i Hercegovini, uključujući i diplome stečene nakon 06.04.1992. godine, u nekoj od država nastalih raspadom SFRJ, a u skladu sa propisima nadležnog organa koji vrši nostrifikaciju priznavanje inostranih diploma;
3. Dokaz o izbornom iskustvu kandidata:
 - za člana izborne komisije akt o davanju saglasnosti Centralne izborne komisije BiH na imenovanje ili uvjerenje iz službene evidencije koje mora sadržavati podatke o nazivu izborne komisije i mandatnom periodu;
 - za članstvo u biračkom odboru/timu za otvaranje vreća uvjerenje iz službene evidencije koje mora sadržavati podatke o vrsti i godini izbora i nazivu biračkog mjesta u kojem je imenovani

kandidat bio u članstvu biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost;

- za sekretara izborne komisije, službenika centra za birački spisak, kontrolora izbornih rezultata i dužnosti u Glavnom centru za brojanje akt o postavljenju na navedenu dužnost ili uvjerenje iz službene evidencije nadležnog organa;

4. Obavještenje o prebivalištu-obrazac PBA-3 ili PBA 4 imenovanog člana izborne komisije (ne stariji od tri mjeseca od dana izdavanja od strane nadležnog organa),

5. Izjavu imenovanog o nacionalnom izjašnjenju;

6. Izjava da nije obuhvaćen odredbama člana 1.7b, 2.3 i 2.12. stav (7) Izbornog zakona BiH, svojeručno potpisana i ovjerena od nadležnog organa;

7. Dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama za trening trenera u organizaciji Centralne izborne komisije BiH, ili o dodijeljenom priznanju Centralne izborne komisije BiH, ukoliko je kandidat dodatno bodovan.

Svi dokumenti koji se dostavljaju uz prijavu na Javni oglas moraju biti originalni ili ovjerene fotokopije. Dokumentacija priložena uz prijavu neće biti vraćena kandidatima.

VIII

Ovaj oglas će se objaviti u dnevnim novinama „VEČERNJI LIST“, na web stranici i oglasnoj ploči Gradske uprave Grada Lukavac .

Obrasci prijave i izjave iz tačke VII ovog oglasa, pod rednim brojem 1., 5. i 6., kandidati mogu preuzeti u Stručnoj službi za poslove Gradskog vijeća Lukavac (I sprat, kancelarija broj 25 i 27) ili web stranici CIK-a BiH i web stranici Općine Lukavac

Rok za podnošenje prijava je 8 (osam) dana od dana objave Javnog oglasa u dnevnim novinama „VEČERNJI LIST“.

Lista pitanja za pismeni dio stručnog testiranja sa ponuđenim odgovorima i s tačnim odgovorima objavljena je na internet stranici Centralne izborne komisije BiH.

Prijavu na ovaj javni oglas dostaviti preporučenom poštom ili na protokol gradske uprave Grada Lukavac u zatvorenoj koverti sa naznakom „JAVNI OGLAS ZA IMENOVANJE 1 (JEDNOG) ČLANA GRADSKO IZBORNE KOMISIJE – NE OTVARATI“ na slijedeću adresu: Grad Lukavac, Gradsko vijeće.

PREDSJEDAVAJUĆI
GRADSKOG VIJEĆA

Suad Salibašić, dipl.ecc



Broj: 01-02-3586/21-2
Lukavac, 21.07.2025.godine

PRIJEDLOG

Na osnovu člana 2.12 stav 6. Izbornog zakona Bosne i Hercegovine ("Službeni glasnik BiH", broj: 23/01, 7/2002, 9/02, 20/02, 25/02 - ispr., 4/04, 20/04, 25/05, 77/05, 11/06, 24/06, 33/08, 37/08, 32/10, 48/11, 63/11, 18/13, 7/14, 31/16, 54/17, 41/20, 38/22, 51/22, 67/22, 24/24 i 24/24 – ispravka) i člana 32. Statuta općine Lukavac ("Službeni glasnik općine Lukavac", broj: 5/08 i 1/14), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. glasnik Grada Lukavac“, broj 1/22) Gradsko vijeće Lukavac na 8. redovnoj sjednici održanoj dana 28.07.2025.godine, je donijelo

R J E Š E N J E

o razrješenju člana Gradske izborne komisije Lukavac

I

Razrješava se dužnosti člana Gradske izborne komisije Lukavac Emir Kasumović, zbog podnesene ostavke.

II

Ovo Rješenje stupa na snagu davanjem saglasnosti od strane Centralne Izborne Komisije BiH na izvršeno razrješenje i bit će objavljeno u "Službenom glasniku Grada Lukavac".

PREDSJEDAVAJUĆI GRADSKOG VIJEĆA
Suad Salibašić, dipl.e.c.c

O b r a z l o ž e n j e

Pravni osnov za donošenje Rješenja je član 2.12 stav 5. Izbornog zakona Bosne i Hercegovine ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 37/10, 18/13, 7/14, 31/16, 41/20, 38/22, 51/22, 67/22, 24/24), kojim je propisano da članove Općinske izborne komisije razrješava Općinsko vijeće/gradsko vijeće, uz saglasnost Centralne Izborne Komisije BiH.

Razlog za donošenje Rješenja je podnesena ostavka člana Gradske izborne komisije Emira Kasumovića, imenovanog Rješenjem Općinskog vijeća Lukavac broj: 01-02-3586/21-1 od 01.02.2022. godine, na koje je Centralna izborna komisija Bosne i Hercegovine dala saglasnost aktom broj: 06-1-07-1-487/21 od 10.02.2022. godine.

Imajući u vidu naprije navedeno Komisija za izbor, imenovanje i administrativna pitanja utvrdila je prijedlog Rješenja i isto dostavlja Gradskom vijeću na razmatranje i donošenje.

Obrađivač:
Stručna služba Gradskog vijeća

PREDSJEDNIK KOMISIJE

Muris Osmić, BA ing.maš.

D o s t a v i t i:

- Gradsko vijeće Lukavac
- Evidencija
- Arhiva